

VIŠEGODIŠNJI PROJEKTI

U 2023. godini imamo četiri višegodišnja projekta, čiji je pregled sa realizacijom dat u sljedećoj tabeli:

Naziv višegodišnjeg projekta	Šifra programa	Iznos raspoloživih sredstava u 2023. god.	Realizirano u 2023. godini	Neurošena i prenešena sredstva u 2024. godinu
Remont helikoptera za period 2013.-2020. godinu	0106170	7.480.000,00	0,00	7.480.000,00
Osiguranje i unaprjeđenje operativnosti m/v OS BiH	0106190	26.019,82	0,00	26.019,82
Tranzicija i zbrinjavanje otpuštenog personala MO i OS BiH - Perspektiva	0106220	1.444.748,00	232.943,45	1.211.804,55
Višegodišnji projekat nabave helikoptera	0106240	0,02	0,00	0,02
UKUPNO		8.950.767,84	232.943,45	8.717.824,39

VALUTA: BAM

VIŠEGODIŠNJI PROJEKAT REMONT HELIKOPTERA

Vijeće ministara BiH je na 77. sjednici održanoj 18.12.2013. godine donijelo **Odluku o višegodišnjem projektu remonta helikoptera za period 2013. - 2014. godina** („Službeni glasnik BiH” broj 103/2013 od 30.12.2013. godine). Ovom Odlukom Ministarstvu obrane BiH odobreno je **7.480.000,00 KM** za remont 4 helikoptera.

Tijekom provođenja procedure ugovaranja remonta helikoptera, okolnosti za realizaciju ovog projekta su se izmijenile, te Ministarstvo obrane BiH nije bilo u mogućnosti da realizira Odluku Vijeća ministara BiH u 2014. godini, zbog čega je donesena **Odluka o izmjenama i dopuni Odluke o višegodišnjem projektu remonta helikoptera za period 2013. - 2014. godina** („Službeni glasnik BiH” broj 52/2015 od 30.6.2015. godine) kojom se projekat produžava do 2015. godine i briše se broj helikoptera sa četiri na dva.

Po stupanju na snagu Pravilnika za dodjelu ugovora iz oblasti obrane i sigurnosti („Službeni glasnik BiH” broj 60/15 od 28.07.2015. godine), dana 5.8.2015. godine pokrenut je

pregovarački postupak s objavom obavještenja i upućen poziv za kvalifikaciju potencijalnim ponuđačima specijaliziranim za ovu vrstu remonta u svijetu. Nakon završetka odabira najpovoljnijeg ponuđača, u žalbenom periodu zaprimljene su žalbe ponuđača koji nisu bili zadovoljni. Sukladno Zakonu o javnim nabavama ("Službeni glasnik" 39/14) dalja procedura je zaustavljena do donošenja odluke po žalbama od strane Ureda za razmatranje žalbi BiH. Proceduru nije bilo moguće zaustaviti u ovom stadiju, te je bilo neophodno da ovaj višegodišnji projekat obuhvati i 2016. i 2017. godinu, odnosno do okončanja remonta helikoptera. Zbog navedenog, Vijeće ministara BiH donijelo je **Odluku o izmjeni Odluke o višegodišnjem projektu remonta helikoptera za period 2013. – 2014. godina** („Službeni glasnik BiH” broj 6/2016 od 29.01.2016. godine) kojom se projekat produžava do 2017. godine.

Međutim, zbog poteškoća prilikom ugovaranja u 2017. godini sredstva se nisu mogla utrošiti sukladno planiranoj i odobrenoj dinamici. Na Odluku o izboru najpovoljnijeg ponuđača od 4.10.2017 godine izjavljena je žalba. Dana 27.10.2017 godine Ministarstvo obrane BiH uputilo je izjašnjenje na žalbu Uredu za razmatranje žalbi BiH. Do mjeseca prosinca 2017 godine nije bilo okončano njeno rješavanje. Ministarstvo obrane BiH, kao ugovorni organ, po Zakonu o javnim nabavama nije moglo obustaviti ili prekinuti postupak, a u slučaju da Ured za razmatranje žalbi BiH donese odluku u korist Ministarstva obrane BiH, obvezni smo zaključiti ugovor. Zbog toga je Vijeće ministara BiH donijelo **Odluku o izmjenama i dopuni Odluke o višegodišnjem projektu remonta helikoptera za period 2013. - 2014. godina** („Službeni glasnik BiH” broj 2/2018 od 9.1.2018. godine) kojom se projekat produžava do 2020. godine.

Obzirom na to da se sredstva nisu utrošila sukladno planiranoj i odobrenoj dinamici u predviđenom roku zbog poteškoća prilikom ugovaranja u proteklim godinama, Vijeće ministara BiH donijelo je **Odluku o izmjeni Odluke o višegodišnjem projektu remonta helikoptera za period 2013. – 2014. godina** („Službeni glasnik BiH” broj 6/2021 od 29.1.2021. godine) kojom se projekat produžava do kraja 2021. godine.

Planom nabave MO BiH za 2021. godinu odobrena su sredstva za nabavu usluga generalnog remonta helikoptera tipa MI-8 u ukupnom iznosu 7.480.000,00 KM sa PDV-om. Istraživanjem tržišta za provođenje usluga generalnog remonta, konstatirano je da osigurana sredstva nisu dovoljna za provođenje predmetne usluge remonta za dva helikoptera. Naime, okvirna cijena koštanja remonta helikoptera MI - 8 MTV-1 iznosi 5.370.117,00 KM za jedan helikopter, a generalnog remonta uz provođenje modernizacije helikoptera MI-8 T iznosi 9.771.131,00 KM. Zbog nedovoljnih sredstava za remont dva helikoptera, procedura ugovaranja usluga remonta nije pokrenuta u 2021. godini.

Temeljem potreba i provedenih konsultacija u Ministarstvu obrane BiH, u tijeku su aktivnosti oko produžavanja roka realizacije projekta do kraja 2022. godine. Sukladno Pravilima za konzultacije u izradi pravnih propisa („Službeni glasnik BiH”, br. 5/17) provedene su e-konzultacije za nacrt Odluke o izmjeni Odluke o višegodišnjem projektu remonta helikoptera za Ministarstvo obrane i Oružane snage Bosne, sukladno članku 31. Poslovnika o radu Vijeća ministara BiH, tražili smo mišljenje od Ministarstva financija i trezora BiH i Ureda za zakonodavstvo. Nakon dobivenih pozitivnih mišljenja, prijedlog Odluke upućen je na usvajanje Vijeću ministara Bosne i Hercegovine. Ova odluka nije usvojena te je 29.12.2022. godine u

proceduru upućen Prijedlog Odluke o stavljanju van snage Odluke o višegodišnjem projektu remonta helikoptera za razdoblje 2013. – 2014. godina. Prijedlog Odluke nije usvojen, povučen je s dnevnog reda na traženje Kolegija Vijeća ministara Bosne i Hercegovine.

VIŠEGODIŠNJI PROJEKAT OSIGURANJE I UNAPRJEĐENJE OPERATIVNOSTI M/V OS BIH

Vijeće ministara BiH je na prijedlog Ministarstva obrane BiH donijelo **Odluku o višegodišnjem projektu Osiguranje i unaprjeđenje operativnosti motornih vozila Oružanih snaga Bosne i Hercegovine sa periodom realizacije 2016. – 2018. godina** broj 262/15 od 30.12.2015. godine („Službeni glasnik BiH” broj 5/16 od 26.1.2016. godine), te poslije i **Odluku o odobravanju sredstava financiranja i dinamike realizacije višegodišnjeg projekta osiguranje i unaprjeđenje operativnosti motornih vozila Oružanih snaga Bosne i Hercegovine sa periodom realizacije 2016. – 2018. godina** broj 274/16 od 10.11.2016. godine („Službeni glasnik BiH” broj 94/16 od 23.12.2016. godine) u iznosu od 21.211.000,00 KM. Predviđena je nabava 201 motornog vozila, i to putničkih vozila niže i niže srednje klase, terenskih vozila, minibuseva, autobusa, teretnih, vatrogasnih i sanitetskih vozila.

Temeljem ovih odluka Ministarstvo obrane BiH je Odlukom broj: 11-03-25-4709/16 od 21.11.2016. godine odobrilo realizaciju projekta „Osiguranje i unaprjeđenje operativnosti motornih vozila Oružanih snaga Bosne i Hercegovine sa periodom realizacije 2016. - 2018. godina“ i formiralo projektni tim sa zadatkom izrade i realizacije projekta. Imajući u vidu objektivne potrebe i kompleksnost nabave službenih specijaliziranih motornih vozila za potrebe OS BiH, projektni tim izradio je čitav niz dokumenata i poduzeo sve potrebne mjere i radnje radi uspješne realizacije. U početnoj fazi realizacije projekta, stručni organ je pristupio ispitivanju tržišta i utvrđivanju i definiranju taktičko-tehničkih karakteristika vozila, a zatim se pristupilo daljnjim aktivnostima vezano za usklađivanje sa procedurama definiranja stupnja tajnosti podataka, zatim provođenje javnog poziva za tehnički dijalog sa potencijalnim ponuđačima, te prikupljanju informacija o iskustvima provedbe ovakvih nabava u partnerskim zemljama i NATO okruženju, kako bi se kvalitetno pripremila tenderska dokumentacija i izbjegle potencijalne manjkavosti u provedbi ovako složenog projekta. U tom cilju su vršene i pisane i usmene konzultacije i sa nadležnim institucijama BiH, uključujući i Agenciju za javne nabave.

Kada se krenulo sa aktivnostima definiranja tehničkih specifikacija za realizaciju daljnjih aktivnosti i pripremu tenderske dokumentacije, pokazalo se da je projekat puno složeniji nego što je prvobitno procijenjeno, obzirom na to da su u pitanju specijalizirana m/v za potrebe OS BiH. Projektni tim se suočio sa nizom izazova u početnim fazama, što je značajno utjecalo na produženje vremenskog perioda realizacije pojedinih faza projekta. Također, jedna od otežavajućih okolnosti bila je i ta što se sastav projektnog tima povremeno mijenjao, zbog personalnih promjena koje su neminovno nastale odlaskom dijela stručnih ljudi iz OS BiH.

Uvažavajući odredbe Zakona o javnim nabavama u BiH i Pravilnikom o postupku dodjele ugovora u području obrane i sigurnosti kao i druge propise, te specifičnost predmetne nabave, stručne službe i menadžment MO BiH i predstavnici OS BiH uložili su puno truda i vremena na uspješnoj realizaciji projekta, a kao rezultat istog urađena je Tenderska dokumentacija za nabavu službenih specijaliziranih vozila za potrebe OS BiH broj: 11-03-26-2236-3/18 i objavljen javni poziv broj: 723-3-1-123-3-131/18, koji sve zajedno sa taktičko-tehničkim karakteristikama vozila (TTK) ima preko 300 stranica. Količine i struktura potrebne nabave m/v data je u TD, a ista je podjeljena u 28 LOT-ova zbog različite vrste vozila. Nabava vozila planirana je sukcesivno, sukladno potrebama i prioritetima OS BiH, te raspoloživim finansijskim sredstvima u proračunu Ministarstva obrane BiH. Nakon provođenja postupka javne nabave i odabira najpovoljnijeg dobavljača, planirano je potpisivanje okvirnog sporazuma i isporuka vozila u naredne tri godine prema dinamici osiguranja sredstava u proračunu Ministarstva obrane BiH.

Tijekom provođenja aktivnosti vezanih za navedenu nabavu evidentno je bilo da Ministarstvo obrane BiH neće biti u mogućnosti realizirati planiranu nabavu sukladno odredbama odluka Vijeća ministara BiH do kraja godine, te se ukazala potreba za izmjenom Odluke o odobravanju višegodišnjeg projekta Osiguranje i unaprjeđenje operativnosti motornih vozila Oružanih snaga Bosne i Hercegovine sa periodom realizacije 2016.-2018. godina, kojom se bi se produžio rok realizacije projekta do 2021. godine.

Kako su Proračunom Ministarstva obrane BiH i Planom javnih nabava MO i OS BiH za 2018. godinu osigurana su finansijska sredstva u iznosu od 7.067.000,00, a preostala finansijska sredstva u iznosu od 14.144.000,00 KM trebaju biti osigurana Proračunom MO BiH i Planom javnih nabava MO i OS BiH za 2019., 2020. i 2021. godinu, bilo je neophodno produženje perioda realizacije projekta u naredne tri godine da bi se osigurali uvjeti za realizaciju projekta. Zbog svega navedenog, Vijeće ministara BiH je na prijedlog Ministarstva obrane BiH donijelo **Odluku o izmjeni Odluke o višegodišnjem projektu Osiguranje i unaprjeđenje operativnosti motornih vozila Oružanih snaga Bosne i Hercegovine sa periodom realizacije 2016. – 2018. godina** broj 272/18 od 27.12.2018. godine („Službeni glasnik BiH” broj 5/19 od 25.1.2019. godine). Izmjena Odluke podrazumijeva izmjenu perioda realizacije projekta koji se produžio do 2021. godine.

Vijeće ministara Bosne i Hercegovine je na 1. sjednici održanoj 30.12.2019. godine donijelo **Odluku o izmjenama i dopunama Odluke o odobravanju sredstava financiranja i dinamike realizacije višegodišnjeg projekta osiguranje i unaprjeđenje operativnosti motornih vozila Oružanih snaga Bosne i Hercegovine sa periodom realizacije 2016. – 2018. godina** broj 193/19 od 30.12.2019. godine („Službeni glasnik BiH” broj 13/20 od 21.2.2020. godine). Izmjenama i dopunama je definirano da će se sredstva u iznosu od **5.000.000,00 KM** osigurati prestrukturiranjem odobrenih proračunskih sredstava u 2019. godini. Ovom Odlukom su osigurana dodatna sredstva za realizaciju višegodišnjeg projekta nabave helikoptera, što ukupno iznosi **12.067.000,00 KM** proračunskih sredstava.

Zbog novonastale situacije izazvane pandemijom koronavirusa u 2020. godini realizacija mnogih aktivnosti je odgođena ili prolongirana za naredni period te je došlo do izmjene prioriteta u pogledu trošenja sredstava. Tako se javila mogućnost prestrukturiranja i preusmjerenja odobrenih sredstava Ministarstva obrane BiH na višegodišnji projekat „Osiguranje i unaprjeđenje operativnosti motornih vozila”, pa je Vijeće ministara na (telefonskoj) sjednici održanoj 30. i 31. prosinca 2020. godine donijelo **Odluku o izmjenama i dopuni Odluke o odobravanju sredstava financiranja i dinamike realizacije višegodišnjeg projekta „Osiguranje i unaprjeđenje operativnosti motornih vozila Oružanih snaga Bosne i Hercegovine sa periodom realizacije 2016. – 2018. godina“** broj 306/20 od 31.12.2020. godine („Službeni glasnik BiH” broj 6/21 od 29.1.2021. godine). Izmjenama i dopunom je definirano da će se sredstva u iznosu od **3.300.000,00 KM** osigurati prestrukturiranjem odobrenih proračunskih sredstava u 2020. godini. Odobravanjem ove odluke, ukupno raspoloživa sredstva u 2020. godini za višegodišnji projekat „Osiguranje i unaprjeđenje operativnosti motornih vozila OS BIH iznose **15.367.000,00 KM**.

Na istoj sjednici Vijeće ministara BiH donijelo je **Odluku o izmjeni Odluke o odobravanju višegodišnjeg projekta “Osiguranje i unaprjeđenje operativnosti motornih vozila Oružanih snaga Bosne i Hercegovine sa periodom realizacije 2016. – 2018. godina”** broj 305/20 od 31.12.2020. godine („Službeni glasnik BiH” broj 6/21 od 29.1.2021. godine). Izmjena Odluke podrazumijeva izmjenu perioda realizacije projekta koji se produžio do 2022. godine.

U proteklim godinama završena je tenderska procedura javne nabave i odabira najpovoljnijih ponuđača („M.R.M. export-import“ d.o.o. Ljubuški i „MIPEX auto RS“ d.o.o. Banja Luka) za 13 od ukupno 19 LOT-ova, sa kojima je potpisano 17 ugovora. U okviru završenih 13 LOT-ova ugovorena je nabava ukupno 177 vozila u ukupnoj vrijednosti od **14.155.676,58 KM**, te je od strane navedenih dobavljača izvršena isporuka, a riječ je o prvoj tranši koja je vezana za višegodišnji projekat u razdoblju realiziranja 2018. - 2021.godina. U 2020. godini za ove namjene utrošeno je 10.260.781,99 KM te je u **2021. godinu prenešeno 5.106.218,01 KM**. U 2021. godini utrošeno je **3.894.894,59 KM** te je u 2022. godinu preneseno **1.211.323,42 KM**. U 2022. godini utrošeno je 1.185.303,60 KM te je u 2023. godinu prenešeno 26.019,82 KM koje nisu realizirane.

U cilju nastavka i završetka procedure javne nabave po ovom višegodišnjem projektu, 5.10.2020. godine pokrenut je Referat nabave za 6 LOT-ova (26 motornih vozila, i to autobusi, minibusovi, teretna vozila - cisterne, tegljači, hladnjače) u ukupnom iznosu od 7.055.322,06 KM. Do sada su sklopljeni ugovori za nabavu 4 AF-minibusa do 32 sjedišta u iznosu od 828.000,00 KM, sa dobavljačem „MBM Servis“ Ljubuški i 2 BP- teretna m/v- hladnjača do 5t, u iznosu od 370.000,00 KM, sa dobavljačem „MIPEX“ Banja Luka, ukupne vrijednosti 1.198.000,00 KM, za koja su osigurana financijska sredstva. Nedostatak novčanih sredstava uzrokovao je nemogućnost potpune implementacije ovog projekta.

Proračunska ograničenja će i dalje negativno utjecati na implementaciju ovog projekta zbog čega će biti potrebno izvršiti produženje roka realizacije projekta, tako da istim bude obuhvaćen i period 2023. -2025. godina. Dinamika potpisivanja preostalih godišnjih ugovora i isporuke ovisit će od raspoloživih novčanih sredstava za nastavak realizacije započetog projekta.

U 2021. godini MO i OS BiH su imale primitke od prodaje prometnih vozila u iznosu od 169.002,97 KM. Alociranjem ovih sredstava na VP „Osiguranje i unaprjeđenje operativnosti motornih vozila Oružanih snaga Bosne i Hercegovine“ smanjio bi se zahtjev za osiguranjem dodatnih sredstava na ovom projektu do ukupno odobrenog iznosa za ovaj projekat, a sa druge strane osigurati nastavak završetka i opremanja nedostajućim sredstvima OS BiH. Sukladno Pravilima za konzultacije u izradi pravnih propisa („Službeni glasnik BiH”, br. 5/17) završene su e-konzultacije za prijedlog Odluke o izmjenama Odluke o odobravanju sredstava financiranja i dinamike realizacije višegodišnjeg projekta Osiguranje i unaprjeđenje operativnosti motornih vozila Oružanih snaga Bosne i Hercegovine sa periodom realizacije 2016. – 2018. godina. Prema članku 31. Poslovnika o radu Vijeća ministara BiH, tražili smo mišljenje od Ministarstva financija i trezora BiH i Ureda za zakonodavstvo. Nakon dobivenih mišljenja, prijedlog Odluke upućen je na usvajanje Vijeću ministara Bosne i Hercegovine. Ova odluka nije usvojena te je 27.12.2022. godine u proceduru upućen Prijedlog Odluke o izmjenama i dopunama Odluke o odobravanju sredstava financiranja i dinamike realizacije višegodišnjeg projekta Osiguranje i unaprjeđenje operativnosti motornih vozila Oružanih snaga Bosne i Hercegovine sa periodom realizacije 2016. – 2018. godina kojom se mijenja rok realizacije do 2025. godine. To Odlukom planirano je da sredstva u 2022. godini budu osigurana prestrukturiranjem proračuna u iznosu od 2.000.000 KM, a sredstva u iznosu 3.844.000 KM da se osiguraju iz proračuna institucija BiH i ostvarenim primitcima od prodaje prometnih vozila Ministarstva obrane Bosne i Hercegovine, za vrijeme realizacije projekta. Prijedlog Odluke nije usvojen.

U 2023. godini pojavila se mogućnost prestrukturiranja sredstava na višegodišnji projekat „Osiguranje i unaprjeđenje operativnosti motornih vozila” u iznosu od 2.700.000 KM. Odobravanjem predloženog prestrukturiranja i prijenosa sredstava iz tekućeg proračuna koja se neće moći realizirati do kraja 2023. godine na višegodišnji projekat nabave motornih vozila, smanjio bi zahtjev za osiguranjem dodatnih sredstava na ovom projektu do ukupno odobrenog iznosa za ovaj projekat, a sa druge strane osigurati nastavak završetka i opremanja nedostajućim sredstvima OS BiH. Sukladno tome i pravilima za konzultacije u izradi pravnih propisa („Službeni glasnik BiH”, br. 5/17) završene su e-konzultacije za prijedlog Odluke o izmjenama Odluke o odobravanju sredstava financiranja i dinamike realizacije višegodišnjeg projekta Osiguranje i unaprjeđenje operativnosti motornih vozila Oružanih snaga Bosne i Hercegovine sa periodom realizacije 2016. – 2018. godina. Prema članku 31. Poslovnika o radu Vijeća ministara BiH, tražili smo mišljenje od Ministarstva financija i trezora BiH i Ureda za zakonodavstvo Vijeća ministara Bosne i Hercegovine. Od Ureda za zakonodavstvo smo dobili mišljenje, a od Ministarstva financija Bosne i Hercegovine dobili smo negativno mišljenje 29.2.2024. godine. Prijedlog Odluke nije upućen na usvajanje Vijeću ministara Bosne i Hercegovine.

PERSPEKTIVA

Vijeće ministara Bosne i Hercegovine je na 71. sjednici održanoj 31.08.2016. godine usvojilo Informaciju o višegodišnjem projektu tranzicije i zbrinjavanja otpuštenog personala Ministarstva obrane i Oružanih snaga Bosne i Hercegovine – Program „Perspektiva“ i donijelo **Odluku o udruživanju sredstava iz proračuna Ministarstva obrane Bosne i Hercegovine u višegodišnji projekat tranzicije i zbrinjavanja otpuštenog personala Ministarstva obrane i Oružanih snaga Bosne i Hercegovine – Program „Perspektiva“ broj 199/16 od 31.8.2016. godine („Službeni glasnik BiH” broj 74/16 od 4.10.2016. godine).**

Odlukom o izmjenama i dopunama Odluke o udruživanju sredstava iz proračuna Ministarstva obrane Bosne i Hercegovine u višegodišnji projekat tranzicije i zbrinjavanja otpuštenog personala Ministarstva obrane Bosne i Hercegovine i Oružanih snaga Bosne i Hercegovine - Program „Perspektiva”, VM 254/20 od 26.11.2020. godine („Službeni glasnik Bosne i Hercegovine”, broj 1/21), Vijeće ministara Bosne i Hercegovine odobrilo je nastavak „Perspektiva“ projekta.

U 2016. godini za ovaj projekat osigurano je 754.000,00 KM, a utrošeno je 17.918,53 KM. Ostatak sredstava u iznosu od 736.081,47 KM preneseno je u 2017. godinu. U 2017. godini Ministarstvu obrane BiH za ove namjene odobreno je 452.000,00 KM, tako da je ukupno raspoloživo bilo 1.188.081,47 KM, a utrošeno 301.497,94 KM. Ostatak sredstava u iznosu od 886.583,53 KM preneseno je u 2018. godinu. U 2018. godini za ove namjene odobreno je 37.000,00 KM, tako da su ukupno raspoloživa sredstva za projekat Perspektiva iznosila 923.583,53 KM. Te godine utrošeno je 31.027,46 KM, pa je u 2019. godinu preneseno 892.556,07 KM iz prethodnih godina. U proračunu za 2019. godinu odobreno je 25.000 KM za ove namjene. Od ukupno raspoloživih sredstava za ove namjene u 2019. godini u iznosu od 917.556,07 KM utrošeno je 12.666,94 KM. U 2020. godinu preneseno je 904.889,13 KM, a u proračunu je odobreno 22.000,00 KM, tako da je na raspolaganju bilo 926.889,13 KM. U 2020. godini je utrošeno 19.941,19 KM, pa smo u 2021. godinu prenijeli 906.947,94 KM. Tijekom 2021. godine na ovom projektu utrošeno je 23.366,13 KM te je **u 2022. godinu preneseno 883.581,81 KM.** U 2022. godini za ove namjene odobreno je **205.000 KM**, tako da su raspoloživa sredstva iznosila **1.088.582 KM.** U 2022. godini realizacija je iznosila 86.833,81 KM.

U 2023. godinu preneseno je 1.001.748,00 KM, a u odobrenom proračunu za ove namjene odobreno je 443.000,00 KM, tako da su trenutno raspoloživa sredstva **1.444.748,00 KM.**

Na ovom projektu, u 2023. godini realizacija iznosi 232.943,45 KM.

VIŠEGODIŠNJI PROJEKAT NABAVE HELIKOPTERA

Vijeće ministara Bosne i Hercegovine je na 125. sjednici održanoj 22.12.2017. godine donijelo **Odluku o višegodišnjem projektu nabave helikoptera za Ministarstvo obrane i Oružane snage Bosne i Hercegovine** broj 291/17 od 22.12.2017. godine („Službeni glasnik BiH” broj 2/18 od 9.1.2018. godine). Ovom Odlukom odobrila se nabava helikoptera u cilju osiguranja i unaprijeđenja operativnosti helikoptera Oružanih snaga Bosne i Hercegovine za vršenje zakonom propisanih misija u ukupnom iznosu od **65.000.000,00 KM**. Definirano je da će se projekat realizirati u razdoblju 2018. – 2021. godina, uz financijsku pomoć Vlade Sjedinjenih Američkih Država, a na temelju Sporazuma između Vlade Sjedinjenih Američkih Dražava i Vlade Bosne i Hercegovine o ekonomskoj, tehničkoj i srodnoj pomoći za Bosnu i Hercegovinu broj 014-02-801/01 od 18.1.2001. godine („Službeni glasnik BiH - Međunarodni ugovori”, broj 1/01).

Sredstva u iznosu od **6.200.000,00 KM** osigurana su prestrukturiranjem odobrenog proračuna Ministarstva obrane i Oružanih snaga BiH za 2017. godinu.

Vijeće ministara Bosne i Hercegovine je na 163. sjednici održanoj 27.12.2018. godine donijelo **Odluku o izmjeni odluke o višegodišnjem projektu nabave helikoptera za Ministarstvo obrane i Oružane snaga Bosne i Hercegovine** broj 263/18 od 27.12.2018. godine („Službeni glasnik BiH” broj 5/19 od 25.1.2019. godine). Izmjenom i dopunom je definirano da će se sredstva u iznosu od **1.300.000,00 KM** osigurati prestrukturiranjem odobrenih proračunskih sredstava u 2018. godini. Ovom Odlukom su osigurana dodatna sredstva za realizaciju višegodišnjeg projekta nabave helikoptera, što je ukupno iznosilo **7.500.000,00 KM** proračunskih sredstava.

Vijeće ministara Bosne i Hercegovine je na 170. sjednici održanoj 28.3.2019. godine donijelo **Odluku o izmjeni odluke o višegodišnjem projektu nabave helikoptera za Ministarstvo obrane i Oružane snage Bosne i Hercegovine** broj 54/19 od 28.3.2019. godine („Službeni glasnik BiH” broj 34/19 od 17.5.2019. godine). Izmjenom je definirano da se briše broj helikoptera.

Na 1. sjednici Vijeća ministara BiH održanoj 30.12.2019. godine usvojena je **Odluka o izmjeni i dopuni Odluke o višegodišnjem projektu nabave helikoptera za Ministarstvo obrane i Oružane snaga Bosne i Hercegovine** broj 191/19 od 30.12.2019. godine („Službeni glasnik BiH” broj 10/20 od 11.2.2020. godine). Izmjenom i dopunom je definirano da će se sredstva u iznosu od **1.374.800,00 KM** osigurati prestrukturiranjem odobrenih proračunskih sredstava u 2019. godini. Ovom Odlukom su osigurana dodatna sredstva za realizaciju višegodišnjeg projekta nabave helikoptera, što ukupno iznosi **8.874.800,00 KM** proračunskih sredstava.

Odmah nakon donošenja Odluke o odobravanju višegodišnjeg projekta nabave helikoptera, početkom 2016. godine, MO BiH je formiralo Tim za izradu TT karakteristika i implementaciju projekta. U cilju uspješne realizacije ovog projekta Ministarstvo obrane BiH je tijekom 2016. godine organiziralo više prezentacija vodećih firmi iz Europe i SAD-a kao što su: Bell Helicopters SAD (predstavništvo u Pragu), „Helikopteri Rusije“ iz Moskve, Eurokopter

Francuska, Helisota - Litvanija, Pinnacle Solution SAD, SKYCORE Ujedinjeno Kraljevstvo, Beltehexport Bjelorusija itd. Nakon izvršenih prezentacija Tim za izradu TT karakteristika i implementaciju projekta je 12.4.2017. godine sačinio završni prijedlog u kojem su svi raniji prijedlozi svedeni na tri tipa helikoptera (Huey II, Bell 412 i Airbus H-145).

Uzimajući u obzir potrebna i raspoloživa finacijska sredstva, kao i tranziciju personala sa jednog tipa helikoptera na drugi tip, OS BiH su predložile da se izvrši žurna nabava helikoptera UH- II (Huey II) udruživanjem finacijskih sredstava sa sredstvima iz FMS programa, čijom nabavom bi zadržali sposobnost pružanja pomoći civilnim strukturama, obuci pilota i drugim potrebama OS BiH. Sa ODC-om su usaglašani tehnički zahtjevi, konačne specifikacije i načina financiranja. Dana 13.12.2019. godine potpisan je ugovor o nabavci 4 helikoptera Huey II (UH II).

Dana 5.12.2018. godine Ministarstvo obrane BiH izvršilo je uplatu u iznosu od 6.199.999,99 KM u Foreign Military Sales (FMS) Trust Fund, a 7.8.2019. godine izvršena je uplata u iznosu od 1.300.000,00 KM. U 2020. godinu prenijeli smo ostatak sredstava u iznosu od 1.374.800,01 KM koji nije utrošen te je prenesen u 2021. godinu. Dana 13.1.2022. godine MO BiH je izvršilo prijenos sredstava u iznosu od 1.374.799,99 KM. Na projektu je ostalo raspoloživo 0,02 KM

Dana 10. prosinca 2021.godine izvršena je primopredaja helikoptera Huey II za Oružane snage Bosne i Hercegovine. Tijekom 2022. godine planirana je isporuka seta rezervnih dijelova ukupne vrijednosti od oko 1,9 mil. \$ za novoprimljena četiri helikoptera.

Ministarstvo obrane BiH u Pismu ponude i prihvaćanja BK-B-UNP za nabavu četiri helikoptera tipa UH-2 upućenog prema Vladi Sjedinjenih Američkih Dražava predvidjelo je nastavak kupovine još četiri helikoptera istog tipa pod istim uvjetima u roku od jedne kalendarske godine po okončanoj isporuci prva četiri helikoptera.

Na 11. sjednici Vijeća ministara BiH održanoj 11.5.2023. godine usvojena je **Odluka o izmjenama i dopuni Odluke o višegodišnjem projektu nabave helikoptera za Ministarstvo obrane i Oružane snaga Bosne i Hercegovine** broj 125/23 od 11.5.2023. godine („Službeni glasnik BiH” broj 45/23 od 23.6.2023. godine). Izmjenama i dopunom je definirano da će se sredstva u iznosu od **3.600.000,00 KM** osigurati iz tekuće pričuve Proračuna institucija BiH i međunarodnih obveza za fiskalnu 2023. godinu. Dana 11.7.2023. godine Generalnom tajništvu Vijeća ministara BiH uputili smo prijedlog Odluke o odobravanju sredstava iz tekuće pričuve proračuna institucija BiH za 2023. godinu Ministarstvu obrane Bosne i Hercegovine na usvajanje.

Ovom Odlukom će biti osigurana dodatna sredstva za realizaciju višegodišnjeg projekta nabave helikoptera, što ukupno iznosi **12.474.800,00 KM** proračunskih sredstava. Također, mijenja se rok realizacije koji je sada do 2027. godine. Prijedlog Odluke još uvijek nije usvojen.

Zbog navedenog neusvajanja Odluke, prijedlog Ministarstva obrane BiH je da se izvrši prestrukturiranja sredstava u proračunu za 2023.godinu 3.600.000,00 KM alocira na višegodišnji projekat nabave helikoptera. Sukladno tome i pravilima za konzultacije u izradi pravnih propisa („Službeni glasnik BiH”, br. 5/17) završene su e-konzultacije za prijedlog

Odluke o izmjeni i dopuni Odluke o višegodišnjem projektu nabave helikoptera za Ministarstvo obrane i Oružane snage Bosne i Hercegovine. Prema članku 31. Poslovnika o radu Vijeća ministara BiH, tražili smo mišljenje od Ministarstva financija i trezora BiH i Ureda za zakonodavstvo Vijeća ministara Bosne i Hercegovine. Od Ureda za zakonodavstvo smo dobili mišljenje, a od Ministarstva financija Bosne i Hercegovine dobili smo negativno mišljenje 29.2.2024. godine. Prijedlog Odluke nije upućen na usvajanje Vijeću ministara Bosne i Hercegovine.

MINISTAR

Zukan Helez